


Broj: 03-19-519/2021
Sarajevo, 05.05.2021. godine

**PARLAMENT FEDERACIJE
BOSNE I HERCEGOVINE**



- **Predstavnički dom-
gosp. Mirsad Zaimović, predsjedavajući**
- **Dom naroda –
gosp. Tomislav Martinović, predsjedavajući**

Poštovani

U skladu sa članom 14. Zakona o Fondu za zaštitu okoliša Federacije Bosne i Hercegovine („Službene novine Federacije BiH“, broj: 33/03), radi razmatranja i usvajanja, dostavljam **ANALITIČKI IZVJEŠTAJ O RADU FONDA ZA ZAŠTITU OKOLIŠA FEDERACIJE BOSNE I HERCEGOVINE ZA 2020. GODINU** koji je Vlada Federacije Bosne i Hercegovine prihvatila na 263. sjednici održanoj 15.04.2021. godine.

Također, radi razmatranja i donošenja, dostavljam i Prijedlog odluke o prihvatanju Analitičkog izvještaja o radu Fonda za zaštitu okoliša Federacije Bosne i Hercegovine za 2020. godinu.

S poštovanjem,



PREMIJER

Fadil Novalić

Prilog: kao u tekstu

PRIJEDLOG

Na osnovu člana 14. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", br. 33/03), Parlament Federacije Bosne i Hercegovine, na sjednici Predstavničkog doma održanoj.....2021. godine i na sjednici Doma naroda održanoj.....2021. godine, na prijedlog Vlade Federacije Bosne i Hercegovine, donio je

ODLUKU

O PRIHVATANJU ANALITIČKOG IZVJEŠTAJA FONDA ZA ZAŠTITU OKOLIŠA FEDERACIJE BOSNE I HERCEGOVINE ZA 2020. GODINU

I

Prihvata se Analitički izvještaj Fonda za zaštitu okoliša Federacije Bosne i Hercegovine za 2020. godinu koji je Vlada Federacije Bosne i Hercegovine razmotrila i prihvatila na svojoj 263. sjednici održanoj 15.04.2021. godine.

II

Analitički izvještaj Fonda za zaštitu okoliša Federacije Bosne i Hercegovine za 2020. godinu sastavni je dio ove Odluke.

III

Ova Odluka stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH

Predsjedavajući
Predstavničkog doma
Parlamenta Federacije FBiH

GOVERNMENT

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 14. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj: 33/03), Vlada Federacije Bosne i Hercegovine, na 263. sjednici održanoj 15.04.2021. godine, donosi

ZAKLJUČAK
O PRIHVATANJU ANALITIČKOG IZVJEŠTAJA O RADU FONDA ZA ZAŠTITU
OKOLIŠA FEDERACIJE BOSNE I HERCEGOVINE ZA 2020. GODINU

1. Prihvata se Analitički izvještaj o radu Fonda za zaštitu okoliša Federacije Bosne i Hercegovine za 2020. godinu.
2. Analitički izvještaj o radu Fonda za zaštitu okoliša Federacije Bosne i Hercegovine za 2020. godinu sastavni je dio ovog zaključka.
3. Vlada Federacije BiH će Analitički izvještaj o radu Fonda za zaštitu okoliša Federacije Bosne i Hercegovine za 2020. godinu podnijeti Parlamentu Federacije Bosne i Hercegovine radi razmatranja i usvajanja.
4. Ovaj zaključak stupa na snagu danom donošenja.

V. broj: 730 /2021
15.04.2021. godine
Sarajevo



PREMIJER

Fadil Novalić

- NADZORNI ODBOR -

ANALITIČKI IZVJEŠTAJ
FONDA ZA ZAŠTITU OKOLIŠA FEDERACIJE BIH ZA 2020. GODINU

Sarajevo, Februar 2021. godine

SADRŽAJ

1 UVOD	3
2 STRATEŠKI CILJEVI FONDA	6
2.1 PRIKUPLJANJE NAMJENSKIH NAKNADA/OSTVARIVANJE PRIHODA FONDA	6
2.1.1 PRIHODI FONDA ZA FINANSIRANJE ZAŠTITE OKOLIŠA PO OSNOVU ZAKONA O FONDU	6
2.1.2 PRIHODI FONDA PO OSNOVU ZAKONA O VODAMA	6
2.1.3 PRIHODI FONDA PO OSNOVU ZAKONA O OTPADU	6
2.1.4 PRIHODI FONDA PO OSTALIM OSNOVAMA	6
2.2 SUFINANSIRANJE PROJEKATA ZAŠTITE OKOLIŠA I ENERGIJSKE EFIKASNOSTI	6
2.2.1 PROJEKTI OD ZNAČAJA ZA FBiH	8
2.2.2 OSTALI PROJEKTI ZAŠTITE OKOLIŠA	9
2.2.3 UNAPREĐENJE KORIŠTENJA ENERGIJE	10
2.2.4 INTERVENTNI PROJEKTI	10
2.2.5 PROGRAMI I PROJEKTI ZA SUFINANSIRANJE SA MEĐUNARODNIM INSTITUCIJAMA	10
2.2.6 USPOSTAVLJANJE REVOLVING FONDA	11
2.3 INFORMACIONI SISTEM FONDA I OSIGURANJE SISTEMSKOG PRAĆENJA PARAMETARA ZA OCJENU STANJA OKOLIŠA	13
2.4 INSTITUCIONALNO JAČANJE	13
3 ANALIZA FINANSIJSKIH IZVJEŠTAJA	15
3.1 PRIHODI I PRIMICI	17
3.2 RASHODI I IZDACI	32
3.2.1 IZDACI ZA BRUTO PLAĆE I NAKNADE UPOSLENIH	38
3.2.2 IZDACI ZA MATERIJAL, SITAN INVENTAR I USLUGE	39
3.2.3 OPERATIVNI RASHODI	40
3.3 NABAVKA OPREME	81
3.4 DATI ZAJMOVI IZ REVOLVING FONDA	81
3.5 ANALIZA GODIŠNJIH IZVJEŠTAJA O IZVRŠENJU FINANSIJSKOG PLANA	84
3.5.1 ANALIZA BILANSA STANJA	84
3.5.2 STALNA SREDSTVA	87
3.5.3 DUGOROČNI PLASMANI	91
3.5.4 KRATKOROČNE OBAVEZE I RAZGRANIČENJA	92
3.5.5 DUGOROČNE OBAVEZE I RAZGRANIČENJA	93
3.5.6 IZVORI SREDSTAVA	94
4 AKTIVNOSTI NADZORNOG ODBORA	94
5 OSTALE AKTIVNOSTI RELEVANTNE ZA IZVJEŠTAJ	96
ZAKLJUČAK	97

1 UVOD

OPIS NADLEŽNOSTI FEDERALNE INSTITUCIJE

Fond za zaštitu okoliša Federacije Bosne i Hercegovine (u daljem tekstu Fond) osnovan je Zakonom o Fondu za zaštitu okoliša Federacije Bosne i Hercegovine („Službene novine FBiH“, broj: 33/03) radi prikupljanja i distribucije finansijskih sredstava za zaštitu okoliša na teritoriji Federacije Bosne i Hercegovine.

Osnivač Fonda je Federacija Bosne i Hercegovine, a prava i odgovornosti osnivača vrši Vlada Federacije Bosne i Hercegovine.

Fond ima svojstvo pravnog lica i registрован je na općinskom sudu u Sarajevu Rješenjem broj: 065-0-reg-06-000013 od 10.03.2006. godine. Sudskim Rješenjem broj: 065-0-reg-10-0004732 od 18.02.2010. godine, te Rješenjem o izmjenama podataka br: 065-0-Reg-15-001216, imenovana je odgovorna osoba i promjenjena adresa sjedišta Fonda. Matični registarski broj subjekta upisa je: 2-98.

Sjedište Fonda: ulica Hamdije Čemerlića broj 39a, Novo Sarajevo, Sarajevo.

Fond je registrovan u Poreznoj upravi Federacije Bosne i Hercegovine 04.03.2010. godine pod brojem: 420117120007.

Svoju djelatnost Fond ostvaruje u saradnji s nadležnim tijelima državne uprave, jedinicama federalne i lokalne samouprave, stručnim i naučnim institucijama.

Unutarnjom organizacijom Fonda, kroz posebne sektore se vode poslovi prikupljanja i obrade izvještaja, te izdavanje rješenja za naplatu naknada iz kojih se ostvaruju prihodi Fonda, kao i pripreme, provedbe i finansiranja programa, projekata i sličnih aktivnosti u području zaštite okoliša i energijske efikasnosti. Ustrojen je i samostalni Sektor za fondove EU, čiji je jedan od zadataka pozicioniranje i buduće djelovanje Fonda u ulozi Posredničkog tijela u okviru institucionalnog mehanizma za korištenje finansijskih instrumenata EU fondova i ostalih međunarodnih institucija i organizacija.

Fond za zaštitu okoliša FBiH je, u skladu sa Zakonom o Fondu, odgovoran za prikupljanje sredstava, poticanje i finansiranje pripreme, provedbe i razvoj programa, projekata i sličnih aktivnosti iz područja očuvanja, održivog korištenja, zaštite i unapređenja stanja okoliša, u svrhu približavanja ciljevima definisanim "Strategijom zaštite okoliša FBiH". Kroz aktivnosti koje provodi, zadatak Fonda je osiguranje sredstava za realizaciju projekata čiji je cilj postizanje sistemskog i cjelovitog očuvanja kvaliteta svih komponenti okoliša, očuvanja prirodnih zajednica i racionalnog korištenja prirodnih dobara i energije kao osnovnih uvjeta održivog razvoja, a u cilju postizanja osnovnog prava građana na čist i zdrav okoliš.

Djelatnost Fonda je prikupljanje i distribucija finansijskih sredstava za zaštitu okoliša na teritoriji Federacije Bosne i Hercegovine (u daljem tekstu: Federacije BiH), a koristit će se naročito za sljedeće namjene:

- podršku u ostvarivanju zadataka koji proizilaze iz obaveza i odgovornosti prema međunarodnoj zajednici iz oblasti zaštite okoliša,
- suzbijanje štete po okoliš u slučaju kada se ne može primijeniti princip odgovornosti za izvršavanje štete određenom licu (zagađivač plaća),
- troškove sprečavanja ili otklanjanja štete po okoliš koja zahtijeva neposrednu intervenciju,
- potpora mjerama u cilju zaštite okoliša, naročito u oblasti razvoja i finansiranja informativnog sistema, obrazovanja i širenja informacija,
- unapređivanje razvoja ekonomske strukture koja je povoljna po okoliš,
- očuvanje zaštićenih prirodnih područja,
- unapređivanje ekološke svijesti javnosti i istraživanje okoliša,
- očuvanje, održivo korištenje, zaštita i unapređivanje stanja okoliša,
- finansiranje pripreme izrade, provedbe i razvoja programskih dokumenata i sličnih aktivnosti u područjima očuvanja, održivog korištenja, zaštite i
- unapređivanja stanja okoliša i korištenja obnovljivih izvora energije.

Fondom rukovodi, predstavlja ga i zastupa direktor. Vlada Federacije BiH je "Odlukom o davanju saglasnosti na Odluku Upravnog odbora Fonda za zaštitu okoliša Federacije Bosne i Hercegovine o imenovanju direktora Fonda za zaštitu okoliša Federacije BiH", V. broj: 1437/2020, od 22. oktobra 2020. godine (*"Službene novine FBiH"*, br: 78/20 od 28.10.2020. godine), za direktora Fonda za zaštitu okoliša FBiH imenovala Fuada Čibukčića.

Fondom upravlja Upravni odbor (7 članova), a nadzor nad radom Fonda preciznije analizu izvještaja o radu Fonda, uvid u godišnje izvještaje o poslovanju i godišnji finansijski obračun Fonda, vrši Nadzorni odbor (3 člana) o čemu izvještava Vladu i Parlament Federacije BiH. Predsjedavajuće i članove oba organa, imenuje Vlada Federacije BiH, na prijedlog Federalnog ministarstva okoliša i turizma.

Rješenjem o imenovanju Upravnog odbora Fonda za zaštitu okoliša Federacije BiH", V. broj: 1543/2020. od 12. novembra 2020. godine (*"Službene novine FBiH"*, broj: 84/20, od 18.11.2020. godine), Vlada Federacije BiH je imenovala članove Upravnog odbora Fonda, u sastavu: Mirjana Milićević (predsjednik), Andrijana Katić (član), Božana Bilandžija (član), Sead Kopic (član), Mirvad Kurić (član), Almedin Aliefendić (član) i Amra Kunovac (član).

Rješenjem o imenovanju Nadzornog odbora Fonda za zaštitu okoliša Federacije BiH" V. broj: 1820/2020. od 28. decembra 2020. godine (*"Službene novine FBiH"*, broj: 1/21 od 8.1.2020. godine), Vlada Federacije BiH je imenovala članove Nadzornog odbora Fonda, u sastavu: Alija Aljović (predsjednik), Ivica Krželj (član) i Jasmina Trgo (član).

Misija - Fond za zaštitu okoliša FBiH je, u skladu sa Zakonom o Fondu, odgovoran za prikupljanje sredstava, poticanje i finansiranje pripreme, provedbe i razvoj programa, projekata i sličnih aktivnosti iz područja očuvanja, održivog korištenja, zaštite i unapređenja stanja okoliša, u svrhu približavanja ciljevima definisanim "Strategijom zaštite okoliša FBiH". Kroz aktivnosti koje provodi, zadatak Fonda je osiguranje sredstava za realizaciju projekata čiji je cilj postizanje sistemskog i cjelovitog očuvanja kvaliteta svih komponenti okoliša, očuvanja prirodnih zajednica i racionalnog korištenja prirodnih dobara i energije kao osnovnih uvjeta održivog razvoja, a u cilju postizanja osnovnog prava građana na čist i zdrav okoliš.

Sufinansirajući projekte i programe zaštite okoliša od kapitalnog značaja za Federaciju BiH, Fond se iskazuje kao jedan od nedvosmislenih pokretača snažnijeg ekonomskog, privrednog i infrastrukturnog razvoja Federacije BiH.

Fond osigurava dugoročnu finansijsku perspektivu za ostvarenje prioriteta zaštite i održivog upravljanja okolišem, a u skladu sa temeljnim principima i politikom prilagođavanja FBiH konceptu i filozofiji održivog razvoja, uz transparentnost i efikasnost u procedurama pribavljanja, upravljanja i namjenskog korištenja sredstava.

Vizija - svojim radom Fond za zaštitu okoliša FBiH teži postati prepoznatljivim subjektom, koji će finansijskom i tehničkom podrškom doprinijeti postizanju ciljeva "Strategije zaštite okoliša FBiH" kao i drugih relevantnih domaćih i međunarodnih dokumenata iz oblasti zaštite okoliša, biti poželjan partner domaćin i međunarodnim institucijama, te se pokazati kao institucija koja nudi povoljno radno okruženje, okuplja obrazovan, kvalitetan i stručan kadar i njeguje timski rad baziran na dobrim međuljudskim odnosima, profesionalizmu u obavljanju svoje djelatnosti primjenom načela transparentnosti i javnosti, objektivnosti i odgovornosti u odlučivanju i primjenom međunarodno priznatih standarda dobre prakse.

2 STRATEŠKI CILJEVI FONDA

2.1 Prikupljanje namjenskih naknada/ostvarivanje prihoda Fonda

Sredstva za finansiranje projekata, programa i drugih aktivnosti u oblasti zaštite okoliša Fonda, kako je definisano članom 18. Zakonom o Fondu za zaštitu okoliša Federacije Bosne i Hercegovine („Službene novine FBiH“, broj: 33/03), propisane su da se ostvaruju iz naknada. Jedan dio okolišnih naknada je predviđen da se ubire i raspodjeljuje po osnovu Zakona o Fondu, dok se dio naknada ostvaruje na osnovu drugih zakona, Zakona o vodama, Zakona o otpadu, Zakona o energijskoj efikasnosti itd.

2.1.1 Prihodi Fonda za finansiranje zaštite okoliša po osnovu Zakona o Fondu

Do sada se realiziraju prihodi po osnovi zagađivača okoliša i to: naknade zagađivača zraka, naknade po osnovu zagađenja okoliša od kesa tregerica debljine do 20 mikrona i posebne naknade za okoliš koje se plaćaju pri svakoj registraciji motornih vozila. Za zagađivače zraka se izvještaji obrađuju u Fondu i za naknade izdaju rješenja. Vezano za provođenje Uredbe o vrstama naknada i kriterijumima za obračun naknada za zagađivače zraka; „Službene novine Federacije BiH“, br. 66/11 i

107/14, do kraja 2020. godine, ukupno je obrađeno 197 izvještaja o emisijama u zrak zagađujućih materija u 2019. godini. Rješenje o plaćanju naknade/obračun o plaćanju izdat je za 121. obaveznika plaćanja. Obračun je pokazao da male količine emisije (nedovoljne za obavezu plaćanja naknade) ima 48 subjekata. Obavijest da nema zakonske regulative koja detaljno obrađuje površinske izvore emisije, upućena je na adrese 11 kamenoloma/betonare. Nekolicina nije radila u obračunskoj godini (2) a neki su se javili iako nemaju obavezu monitoringa (3).

U 2020. godini, pored obračunske godine 2019. izdano je i 6 rješenja za 2018., te 2 rješenja za 2017. te nekoliko obavijesti vezanih za prethodne obračunske godine, a već je dostavljeno 29 izvještaja za naredni obračunski period (2020.). I ove godine se pojavio određen broj subjekata koji su se javili po prvi put ili su preuzeli firme ranijih obveznika pa su istovremeno zatraženi i obrađeni izvještaji za nedostajuće obračunske godine (npr. Demus d.o.o., Pro asfalt d.o.o.).

Smanjenje ukupnog iznosa obračunatih naknada rezultat je smanjenja ukupnih godišnjih količina zagađujućih materija koje su prijavili najznačajniji zagađivači zraka, prvenstveno TE Kakanj. Samo za ovog Obveznika obračunato je 946.819,68 KM manje nego za obračunsku 2018. (za oko 25% niža naknada). Smanjenje emisija u zrak objašnjava se značajnim smanjenjem potrošnje uglja i još značajnijim smanjenjem proizvodnje el.energije u odnosu na prethodnu obračunsku 2018. godinu. Obračunska godina 2019. za TE Kakanj, po obračunatim naknadama, emisijama kao i proizvodnji, uporediva je sa obračunskom 2015. Smanjenje proizvodnje, a posljedično i emisija u zrak, u obračunskoj godini imala je i TE Tuzla (obračunato 342.146,55 KM manje negoli za 2018.) Nadalje, Aluminij d.d. nije izvještavao za 2019. godinu, jer je prekinuo s proizvodnjom. S druge strane ArcelorMittal-u obračunata je 30 % veća naknada nego za 2018. godinu. Generalno, za obračunsku 2019. obračunato 1.065.221,36 KM manje nego za obračunsku 2018. godinu.

Što se tiče problema smanjenja ukupno naplaćenih sredstava od zagađivača zraka, po pojedinoj obračunskoj godini, najznačajniji problem predstavlja činjenica da Global Ispat Koksna industrija, iako su joj naknade obračunate, nije platila naknadu za 2018. i 2019. (ukupno gotovo 1,2 miliona KM), niti kompletno izmirila obaveze po ranijim obračunskim godinama.

Nadležne institucije uključene u ovu problematiku su upozorene od strane Fonda, da bi se regulativa trebala dopuniti i izmjeniti u smislu obuhvatanja obavezom plaćanja naknada i određenog broja difuznih zagađenja, kao i zagađivača koji su ostali izvan sistema.

Prihodi iz registracija se automatski transferiraju na račun Fonda i za iste nije predviđeno izvještavanje, dok je za plasman kesa tregerica predviđeno dostavljanje izvještaja uz uplatu naknade. Nadležnom ministarstvu (FMOiT) je dostavljen prijedlog izmjena Uredbe za kесе tregerice jer veliki broj obveznika koristi odredbe Uredbe kako ne bi moralo plaćati naknade, što uzrokuje niži stepen naplate, a za to je Uredbom zadužen nadležni inspektorat.

Sredstva prikupljena po osnovu Zakona o Fondu se najprije raspodjeljuju 70% prema Kantonima, a ostatak od 30% ostaje u Fondu za implementaciju projekata u skladu sa Strategijom zaštite okoliša. Kantoni ne izvještavaju Fond, o namjenskom utrošku sredstava koja im se transferiraju, jer to nije predviđeno postojećim Zakonom o Fondu.

2.1.2 Prihodi Fonda po osnovu Zakona o vodama

Ostvaruju se iz općih i posebnih vodnih naknada u skladu sa Članom 177. Zakona o vodama („Službene novine FBiH“, br. 70/06) kojim je propisano da 15% prihoda ostvarenih od općih i posebnih vodnih naknada pripada Fondu za zaštitu okoliša Federacije BiH. Istim zakonom je propisana i namjena ovih sredstava, odnosno da se ista moraju trošiti na projekte zaštite voda od značaja za Federaciju BiH.

2.1.3 Prihodi Fonda po osnovu Zakona o otpadu

Do sada se ostvaruju prihodi po osnovu donešenih Pravilnika o upravljanju ambalažom i ambalažnim otpadom i Pravilnika o upravljanju otpadom od električnih i elektronskih proizvoda, dok još uvijek nije donesena podzakonska regulativa kojom bi trebalo da se uredi ostvarivanje prihoda iz naknada za zagađenje okoliša od ostalih proizvoda koji nakon upotrebe postaju posebni tokovi otpada, te po osnovi upravljanja opasnim otpadom, kao i izmjene i dopune postojeće.

Sredstva prikupljena po osnovu Zakona o otpadu su namjenjena za ulaganja u sistem upravljanja otpadom u skladu sa Strategijom zaštite okoliša, te Federalnim planom upravljanja otpadom, te sa smjernicama nadležnog Federalnog ministarstva okoliša i turizma.

2.1.4 Prihodi Fonda po ostalim osnovama

Prihodi su planirani i ostvareni po osnovu kamata. Povećanje prihoda po ostalim osnovama je ostvaren i radi namjenskog transfera 500.000 KM FMOiT-a po zaključku Vlade FBiH za nabavku monitoring stanica za zrak.

2.2 Sufinansiranje projekata zaštite okoliša i energetske efikasnosti

Kako je 2020. godina bila specifična obzirom na proglašeno stanje nesreće izazvano pandemijom Covid 19, ranije usvojeni program rada nije mogao biti ostvaren prema planiranoj dinamici, odnosno dinamika provođenja postupka dodjele sredstava Fonda je bila usporena, ali ipak ostvarena na samom kraju 2020. godine.

U vezi sa Programom rada i Finansijskim planom Fonda za zaštitu okoliša Federacije BiH za 2020. godinu („Službene novine Federacije BiH“ broj: 98/19) i Odluke Upravnog odbora o raspisivanju Javnog konkursa za korištenje sredstava Fonda za zaštitu okoliša Federacije Bosne i Hercegovine za 2020. godinu, 27.02.2020. godine raspisana su tri Javna konkursa i to: JK 2020/1,2010/2 i 2020/3. Isti Javni konkursi su 01.07.2020. g. poništeni Odlukama UO Broj: UO-01-3-11-331a/2020, UO-01-3-11-33-1b/2020 i UO-01-3-11-33-1c/2020. Citirane odluke su donesene na osnovu tačke II Odluke o proglašenju stanja nesreće uzrokovanog pojavom koronavirusa (COVID 19) na području Federacije BiH ("Službene novine Federacije BiH", broj: 21/20).

Nadalje, Upravni odbor FZOFBiH je 24.09.2020.g. donio Odluku o raspisivanju tri nova Javna konkursa za korištenje sredstava Fonda i to: Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2020. godinu - JK 2020/1, Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2020. godinu - JK 2020/2 i Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2020. godinu - JK 2020/3. Odlukama Upravnog odbora FZOFBiH od 30.12.2020.g., odabranim korisnicima su odobrena sredstva kako slijedi:

Odlukom UO 01-3-4-3-1a/2020 JP 2020/1 (pet LOT-ova) pravo na korištenje ostvarilo ukupno 66 aplikacija podijeljenih u 5 LOT-ova. Aktivnosti u skladu sa procedurom o načinu praćenja namjenskog utroška sredstava Fonda će se provoditi u toku 2021.godine.

Odlukom UO 01-3-4-3-11b/2020 JP 2020/2 (pet LOT-ova) pravo na korištenje ostvarilo ukupno 95 aplikacija podijeljenih u 6 LOT-ova. Aktivnosti u skladu sa procedurom o načinu praćenja namjenskog utroška sredstava Fonda će se provoditi u toku 2021.godine. Odlukom UO 01-3-4-3-11c/2020 JP 2020/3 (dva LOT-a) pravo na korištenje, ostvarilo ukupno 25 aplikacija podijeljenih u 2 LOT-a.

Analizom dosadašnjih aktivnosti na pripremi i provedbi projekata zaštite okoliša, uskom saradnjom i razmjenom informacija sa nadležnim federalnim ministarstvima, te analizom aktivnosti i ciljeva postavljenih Strategijom zaštite okoliša FBiH, kao i Strategijom upravljanja vodama, Federalnim planom upravljanja otpadom, Strategijom razvoja energetskog sektora FBiH, te važećih zakona i podzakonskih akata, Fond je realizirao planske aktivnosti za 2020. godinu kroz slijedeće operativne ciljeve:

2.2.1 Projekti od značaja za FBiH

- a. Projekti zaštite voda od značaja za FBiH po Odluci Vlade FBiH („Službene novine FBiH“, br. 8/13) – praćenje realizacije projekata po potpisanim ugovorima;
- b. WATSAN projekti –programska aktivnost Fonda za koju je isti zadužen Zaključkom Vlade FBiH 629/2016 od 10.03.2016. godine i V. broj:297/2018, praćenje realizacije projekata po potpisanim ugovorima, odobrena sredstva za nove projekte kroz Javni poziv 2020-1 – LOT1; Osim navedenog, Zaključkom Vlade FBiH broj: 819/2019 Fond je predvidio sredstva za pokrivanje troškova centralnog nadzora u općinama WATSAN FBiH, a što ukupno iznosi 1.500.000,00 KM, odnosno 750.000,00 KM za 2020.g. Po pitanju realizacije sredstava predviđenih za 2020.g., a prema dinamičkom planu, realizacija bi trebala biti okončana u julu 2021.godine, s tim da je je do kraja 2020.g. realiziran dio sredstava u iznosu od 512.740,39 KM.
- c. Ostali projekti zaštite voda od značaja za FBiH – praćenje realizacije projekata po potpisanim ugovorima, te izvršen odabir projekata za sufinansiranje kroz Javni poziv 2020-1 – LOT2;
- d. Projekti i studije u cilju ispunjavanja ciljeva federalne strategije zaštite okoliša– praćenje realizacije projekata po potpisanim ugovorima, te odabir projekata kroz Javni poziv 2020-3 – LOT1;
- e. Projekti zaštite okoliša urbanih centara - praćenje realizacije projekata po potpisanim ugovorima, te odabir projekata kroz Javni poziv 2020-1 – LOT3;
- f. Projekti uspostavljanja federalne mreže monitoringa kvalitete zraka – redovno praćenje provedbe projekta, te odabir novih projekata kroz Javni poziv 2020-2 – LOT1;
- g. Projekti zaštite okoliša po programima međuentitetske saradnje – nije realizirano, nije zaprimljen nijedan zahtjev, niti preporuka-identifikacija projekta od strane nadležnog ministarstva koja je uvjet da bi Fond postupao po ovoj stavki;
- h. Projekti zaštite prirode - redovno praćenje provedbe projekata i izvršen odabir novih projekata za sufinansiranje kroz Javni poziv 2020-1 – LOT4;
- i. Projekti zaštite i remedijacije tla - redovno praćenje provedbe projekta i izvršen odabir projekata za sufinansiranje kroz Javni poziv 2020-2 – LOT 2;
- j. Provođenje mjera za sprečavanje širenja i uništavanje korovske biljne vrste ambrozije – *Ambrosia artemisiifolia* - izvršen odabir projekata za sufinansiranje kroz Javni poziv 2020-2 – LOT 6

Sve navedene stavke, Fond je provodio i u prethodnoj godini, tako da je veći broj projekata čiji je odabir izvršen u 2019. god. Ili čak i ranije, realiziran ili je u toku u 2020. god., te je za te projekte provedena aktivnost praćenja realizacije.